

UM juara Debat Antara Asasi 2024

Kuala Lumpur: Universiti Malaya muncul johan Pertandingan Debat Antara Asasi (PeDAA) 2024, kategori bahasa Melayu yang berlangsung di Universiti Malaysia Terengganu (UMT), Terengganu, baru-baru ini.

Dalam pertandingan akhir itu, UM sebagai pihak kerajaan menewaskan pasukan debat Universiti Sains Islam Malaysia (USIM) yang bertindak sebagai pembangkang menerusi tajuk 'Jurang ekonomi bukan jurang perpaduan'.

Pusingan akhir perdebatan itu berlangsung dengan sengit sebelum akhirnya menobatkan UM sebagai juara dengan keputusan juri tiga berbalas dua.

Sebagai johan, UM membawa pulang RM2,500 sumbangan Dewan Bahasa dan Pustaka (DBP). UM turut merangkul gelaran pembahas terbaik menerusi pendebatannya, Afiq Athmar Mohamed sementara, USIM selaku naib johan, membawa pulang hadiah wang tunai RM2,000 yang disampaikan



oleh Naib Canselor UMT, Prof Datuk Dr Abdul Ghaffar.

Sementara itu, Penolong Pendaftar Pusat Tamhidi USIM, Mohd Zaini Othman, berkata mara ke pertandingan akhir adalah pencapaian yang cemerlang buat pendebat Asasi USIM kerana ia adalah

pengalaman pertama mereka bertanding di peringkat kebangsaan.

Sebelum ini pada peringkat suku akhir, USIM menewaskan pasukan Universiti Putra Malaysia dan seterusnya menewaskan pasukan Universiti Utara Malaysia di peringkat separuh akhir.